

摛藻堂四庫全書薈要

集部

欽定四庫全書薈要卷一萬八千六十三集部

御定全唐詩卷六百五十八

羅隱

詠月

一本題上無詠字一
本月上有中秋二字

湖上風高動白蘋暫延清景此逡巡隔年違

一作為別成

一作因何事半夜相看似故人蟾向靜中矜爪距兔隈一作

於明處弄精神嫦娥老大應惆悵倚泣

一作獨倚蒼蒼桂一

輪

宿荊州江陵驛

一作館

西遊象闕媿

一作跡闕

知音東下荆溪稱越吟風動芰荷香

四散月明

一作高

樓閣影相侵閒敲別枕千般夢醉送征

帆萬里心薜荔衣裳木蘭檝異時煙雨好追尋

撫州別阮兵曹

雪晴天外見諸峰幽軋行輪有去蹤內史宅邊今獨恨
步兵廚畔舊相容十年別鬢疑朝鏡千里歸心著晚鐘
若不他時更青眼未知誰肯薦臨邛

新安投所知

少年容易捨樵漁曾辱明公薦子虛漢殿夜寒時不食
宋都風急命何疎雲埋野艇吟歸去草沒山田賦遂初
長劍一尋歌一奏此心爭肯為鱸魚

江邊有寄

江邊舊業半彫殘每軫歸心即萬端狂折野梅山店暖
醉吹村笛酒樓寒只言聖代謀身易爭奈貧儒得路難
同病同憂更何事為君提筆畫漁竿

送友人歸夷門

二年流落大梁城，每送君歸即有情。
別路算來成底事，舊遊言著似前生。
苑一作壇荒嬾認詞人會，門在空憐烈士名。
至竟男兒分應定，不須惆悵谷中鶯。

湘中見進士喬誦

吳公臺下別經秋，破虜城邊暫駐留。
一笑有情堪解夢，數年無故一作處不同遊。
雲牽楚思橫魚艇，柳送鄉心入酒樓。
且酌松醪依舊醉，誰能相見向春愁。

上雲川

一作贈
湖州

裴郎中

貴提金印出咸秦
瀟灑江城兩度春
一派水清疑見膽
數重山翠欲留人
望崇早合歸黃閣
詩好何妨戀白蘋
自是受恩心未足
却垂雙翅羨吳均

錢塘江湖

怒聲洶洶勢悠悠
羅刹江邊地欲浮
漫道往來存大信
也知反覆向平流
任一作狂拋巨浸疑無一作傾底
猛過西

陵只

一作似

有頭至竟朝昏誰主掌
好騎蘋鯉問陽侯

送人赴職任褒中

物態時情難重陳，夫君此去莫傷春。
男兒只要有知己，才子何堪更問津。
萬轉江山通蜀國，兩行珠翠見褒人。
海棠花謝東風老，應念京都共苦辛。

臨川投穆中丞

試將生計問蓬根，心委寒灰首戴盆。
翅弱未知三島路，舌頑虛掉五侯門。
嘯煙白狄沈高木，擣月清砧觸旅魂。
家在碧江歸不得，十年魚艇長苔痕。

早春送張坤歸大梁

一題作早春送大梁盧從
事一作送處士張坤歸汴

州

蕭蕭羸馬正

一作立

塵埃又送輜

一作歸

軒向吹臺別酒莫

辭今夜醉

一作酌

故人知是幾時回

一作來

泉經華岳猶應

凍花到梁園始合開為謝

一作若見

東門抱關吏

一作者

不堪

一作為言

惆悵滿離杯

東歸途中作

松一作村

橘蒼黃覆釣磯
早年生計近年違
老知風月終

堪恨貧覺家山不易歸別岸客帆和鴈落晚程霜葉向
人飛買臣嚴助精靈在應笑無成一布衣

送進士臧漬下第後歸池州

賦成無處換黃金却向春風

一作東遊

動越吟天子愛才雖

仄席諸生多病又沾襟柳攀灞岸狂遮袂水憶池陽淥
滿心珍重綵衣歸正好莫將閒事繫升沈

湘中贈范鄖

丹桂無心彼此諳二年疎嬾共江潭愁知酒醖終難捨

老覺人情轉不堪，雲外鴛鴦一作鴛鴦非故舊。眼前膠漆似

煙嵐，勞歌一曲。

一作奏

霜風暮擊折湘妃，白玉簪

寄張侍郎

哀羸豈合話荊州，爭奈思

一作思

多不自由，無路重趨桓

典。馬有詩曾上仲宣樓，塵銷別跡堪垂淚。樹拂他門嬾
舉頭，一種人間太平日，獨教零落憶滄洲。

渚宮秋

一作愁思

楚城日暮煙靄深，楚人駐馬還登臨。襄王臺下水無賴

神女廟前雲有心千載是非難重問一江風雨好閒吟
欲招屈宋當時魄蘭敗荷枯不可尋

閒居早秋

槐杪清蟬煙

一作咽

雨餘蕭蕭涼葉墮衣裾噪槎烏散沈

蒼嶺弄杵風高上碧虛百歲夢生悲蛺蝶一朝香死泣
芙蓉六宮誰買相如賦團扇恩情日日疎

建康

一作臺城

潮平遠岸草侵沙東晉衰來最可嗟庾舅已能窺帝室

王都

郎一作

還是預人家山寒老樹啼風曲泉暖枯骸動

芷

一作齒

牙欲起九原看一徧秦淮聲急日西斜

送舒州宿松縣傅少府

一題作送宿松傅少府

江蘿

一作離江

漠漠樹重重東過清淮到宿松縣好也知臨

浣水官閒應得看瀟峰春生綠野

一作草

吳歌怨雪霽平

郊楚酒濃留取餘杯待張翰明年歸棹一從容

經故洛陽城

敗垣危堞跡依稀試駐羸驂弔落暉跋扈以成梁冀在

簡書難問杜喬歸由來世事須翻覆未必餘才解是非
千載昆陽好功業與君門下作恩威

夏州胡常侍

百尺高臺勃勃州大刀長戟漢諸侯征鴻過盡邊雲濶
戰馬間來塞草秋國計已推肝膽許家財不為子孫謀
仍聞隴蜀由多事深喜將軍未白頭

寄進士盧休

半年池口恨萍蓬今日思量已夢中遊子馬蹄難重到

故人尊酒與誰同
山橫翠後千重綠
蠟想歌時一燼紅
從此客程君不見
麥秋梅雨徧江東

贈

一作
瀉

先輩令狐補闕

中間

一作
年

聲跡早薰然
阻避鈞衡過十年
碧海浪高終

濟物蒼梧雲好已歸天
花迎綵服離鶯谷
柳傍東風觸馬鞭
應念淒涼洞庭客
夜深雙淚憶漁船

送秦州從事

一枝何足解人愁
拋却還隨定遠侯
紫陌紅塵今別恨

九衢雙闕夜同遊
芳時易失勞行止
良會難期且駐留
若到邊庭有來使
試批書尾話梁州

湖州裴郎中赴闕後投簡寄友生

錦帳郎官塞

一作奉

詔年汀洲曾駐木蘭船
襴衡酒醒春

瓶倒柳惲詩成海月圓
歌感遠山珠滴滴
漏催香燭淚
連連使君入拜吾徒在宣室
他時豈偶然

秋日泊平望驛寄太常裴郎中

蘋洲重到杳

一作宵

難期西

一作徒

倚郵亭憶往時
北海尊

中常有酒東陽樓上豈無詩地清每負生靈望官重方
升禮樂司聞說江南舊歌曲至今猶自一作唱吳姬

西塞山

在武昌界孫吳
以之為西塞

吳塞當時指此山吳都亡後綠

一作水

孱顏嶺梅乍暖殘

妝恨沙鳥初晴小隊閒波濶魚龍應混雜壁危猿狖奈

一作

姦

一作驕

頑會將一副寒蓑笠來與漁翁作往還

秋日汴河客舍酬友人

一作汴州
客舍有酬

梁宋追遊早歲同偶然違

一作為

別事皆空年如流水催

何急道似危途動即窮醉舞且欣連夜月狂吟還聚上
樓風煩君更枉騷人句白鳳靈虵滿袖中

東歸

仙桂高高似有神貂裘敝盡取無因難

一作惟
一作只

將白髮

期公道不覺丹枝屬別人雙闕往來慙請

一作
聘

謁五湖

歸後恥交親盈盤紫蟹千卮酒添得臨歧淚滿巾

廣陵李僕射借示近詩因投獻

朝論國計暮論兵餘力猶隨鳳藻生語繼盤盂拋俗格

氣兼河岳帶商聲
閒尋綺思千花麗
靜想高吟六義清
天一作柄已持堯典在
更堪回首問緣情

三衢哭孫員外

燕戀雕梁馬戀軒
此心從此更何言
直將塵外三生命
未敵君侯一日恩
紅蠟有時還入夢
片帆何處獨銷魂
忍看明發衣襟上
珠淚痕中見酒痕

篋中得故王郎中書

鳳里前年別望郎
丁寧惟恐滯吳鄉
勸疎杯酒知妨事

乞與書題作累糧革鹿未能移海曲
縣花尋已落河陽
九原自此無因見
反覆遺蹤淚萬行

淚

逼臉橫頤咽復勻也
曾讒毀也傷神自從魯國潛然後
不是姦人即婦人

子規

銅梁路遠草青青
此恨那堪枕上聽
一種有冤猶一作無
可報不如銜石疊滄溟

姑蘇臺

讓高泰伯開基日賢見延陵復命時未會子孫因底事
解崇臺榭為西施

王濬墓

男兒未必盡英雄但到時來即命

一作命即

通若使吳都猶

一作有王氣將軍何處立殊功

京中晚望

心如野鹿跡如萍謾向人間性一靈往事不知多少夢

夜來和酒一時醒

寄竇澤處士二首

蘭亭醉客舊知聞
欲問平安隔海雲
不是金陵錢太尉
世間誰肯更容身

鼇背樓臺拂白榆
此中槎客亦踟躕
牢山道士無仙骨
却向人間作酒徒

御定全唐詩卷六百五十八

謹案卷六百五十五第二頁前六行別來愁悴知
多少按江東集悴作緒

第四頁後八行湖水平來見鯉魚按江東集湖作
潮

卷六百五十六第五頁前五行江感海門帆散去
按原集去作出


第九頁前一行雲間閬苑何時見水底瑤池觸處
通按江東集雲間作雲歸水底作水到

卷六百五十七第三頁前六行千年魂魄晉英雄

按原集晉作漢

第四頁後四行疏鐘聲徹惠山寒按別本徹作出





總校官庶吉士臣張能照

校對官檢討臣蕭九成

騰錄監生臣李本

欽定四庫全書薈要卷一萬八千六十四

集部

御定全唐詩卷六百五十九

羅隱

省試秋風生桂枝

漢從何起中宵景象清漫隨雲葉動高傍桂枝生
漠漠看無際蕭蕭別有聲遠吹斜漢轉低拂白榆輕
寥泬工夫大乾坤歲序更因悲遠一作未歸客長望一枝榮

思故人

故人不可見，聊復拂鳴琴。
鵲繞風枝急，螢藏露草深。
平生四方志，此夜五湖心。
惆悵友朋盡，洋洋漫好音。

寄陸龜蒙

李相公在淮南
徵陸龜蒙詩

龍樓李丞相，昔歲仰高文。
黃閣尋無主，青山竟未焚。
夜船乘海月，秋寺伴江雲。
却恐塵埃裏，浮名點污君。

題方干詩

中間李建州，夏汭偶同遊。
顧我論佳句，推君最上流。
九霄無鶴板，雙鬢老漁舟。
世難方如此，何當浣旅愁。

秋江

秋江待晚潮客思旆旌搖

一作遙

細雨翻蘆葉高風却

一作

怯柳條兵戈村落破饑儉虎狼驕吾土兼連此離魂望
裏消

寄制誥李舍人

梁王握豹韜雪裏見枚臯上客趨丹陛遊人歎二毛門
閒知待詔星動想濡毫一首長楊賦應嫌索價高

秋日懷孟夷庚

秋日

一作葉

黃陂下孤舟憶共誰江山三楚分風雨二妃

祠知己秦貂沒流年賈鵬悲中原正兵馬相見是何時

送李右丞分司

一本題下有東城二字

分漕

一作曹

得洛川謹議更昭然在

一作左

省曾批敕中臺

肯避權所悲時漸薄共賀道由

一作尤

全賣與清平代相

兼直幾錢

柳江遷客

不是逢清世何由見皂囊事雖危虎尾名勝泊

一作汨

鷓

行毒霧柳江濶愁雲楚驛長歸時有詩賦一為弔沈湘

感舊

劍佩孫弘閣戈鋌太尉

一作大將

營重言虛有位孤立竟無

成丘隴笳簫咽池臺歲月平此恩何以報歸處

一作底事是

柴荆

鷹

越海霜天暮辭韜野草乾俊通司隸職嚴奉武夫官眼

惡藏蜂

一作鋒

在心麤逐物殫近來脂膩足驅遣不妨難

秋日寄狄補闕

紅塵擾擾間立馬看南山
謾道經年往何妨逐日閒
病中霜葉赤愁裏鬢毛斑
不為良知在驅車已出關

寄易定公乘憶侍郎

侍郎有明皇再見阿蠻舞及龍池柳賦時稱冠絕也

一本題下

無侍郎二字

謝舞仍宮柳高竒世少雙
侍中生不到園令死須降
班秩通烏府罇壘奉碧幢
昭王有餘烈試為禱迷邦

寄大理徐郎中

一本大理下有寺字

佐棘竟誰同因思證聖中事雖一作難忘一作亡顯報理合

有陰功官序詵枝老幽塵

一作生涯

范甌空幾時潘好禮重

與話清風

證聖中徐有功為大理少卿執法平恕鹿城主簿潘好禮著論以美之也

寄蘇拾遺

拾遺許公之後今猶居開元中舊第

早歲長楊賦當年

一作今

諫獵書格高時輩伏言數宦情

疎慷慨傳丹桂艱難保舊居退朝觀

一作焚

藁草

一作應課草

能望

一作忘

馬相如

寄許融

一題作與于韞玉詰別

多病仍疎拙，惟君與我同。帝鄉年共老，江徼一作外業俱

空。燕冷辭華屋，蛩

一作蟬

涼恨

一作咽

曉叢白雲高，幾許全

屬採芝翁。

寄禮部鄭員外

藥郊門風大，裴王禮樂優。班資冠雞舌，人品壓龍頭。夜
直爐香細，晴編蔬草稠。近聞潘散騎，三十二悲秋。

菊

籬落歲云暮，數枝聊自芳。雪裁纖葉密，金拆小苞香。千

載白衣酒一生青女霜春叢莫輕薄彼此有行藏

臺城

水國春常在臺城亦未寒麗華承寵渥江令捧杯盤宴罷明堂爛詩成寶炬殘兵來吾有計金井玉鈎欄

舊遊

良時不復再漸老更難言遠水猶經眼高樓似斷魂依宋玉宅歷歷長鄉村今日空江畔相於只酒樽

寄虔州薛大夫

祝融峰下別三載夢魂勞地轉南康重官兼亞相高海
鵬終負日神馬背眠槽會得窺成績幽窓染兔毫

蘇小小墓

魂兮檣李城猶未有人耕好月當年事殘花觸處情向
誰曾豔冶隨分得聲名應侍吳王宴一作日蘭橈暗送迎

寒食日早出一作春城東

青門欲曙天車馬已喧闐禁柳疎一作搖風雨一作細牆花

拆露鮮向誰誇麗景只一作此是歎流年不得高飛便迴

頭望紙鳶

秋日懷賈隨進士

邊寇日騷動故人音信稀長纓慙賈誼孤憤

塚一作

憶韓

非曉匣魚腸冷春園鴨掌肥知君安未得聊且示忘機
亂後逢友人

滄海去未得倚舟聊問津生靈寇盜盡方鎮改更貧

一作

頻夢裏舊行處眼前新貴人從來事如此君莫獨霑巾

殘花

一作楊發詩

已歎良時晚仍悲別酒催
芳隨日薄輕片逐風迴
黛斂愁歌扇妝殘泣鏡臺
繁陰莫矜街終是共塵埃

秋日富春江行

遠岸平如翦澄江靜似鋪
紫鱗仙客馭金顆李衡奴
冷壘羣一作千山濶清涵萬象殊
嚴陵亦高見歸卧是良圖

寄侯博士

規諫揚雄賦邇迴賈誼官
久貧還往少孤立轉遷難
清鏡流年急高槐旅舍寒
侏儒亦何有飽食向長安

送沈光侍御赴職閩中

未至應居右全家出帝鄉
禮優逢苑雪官重帶臺霜
夜

浦吳潮吼

一作亂

春灘建水狂延平有風雨
從此是騰驤

寄袁皓侍郎

東臺

一作堂

失路岐榮辱事堪悲
我寢牛衣敝君居豸角

危風塵慙上品才業愧明時
千里芙蓉幕何由話所思

寄金吾李孫常侍

西班掌禁兵蘭錡最分明
曉色嚴天仗春寒避火城
安

危雖已任韜畧即嘉聲請問何功德壺關寇始平

商於驛與于蘊玉話別

南朝徐庾流洛下憶同遊酒采閒坊菊山登遠市樓相
思勞寄夢偶別又經秋還被青青桂催君不自由

封禪寺居

盛禮何由覩嘉名偶寄居周南太史淚蠻徼長卿書砌
竹搖風直庭花泣

一作
滴

露踈誰能賦秋興千里隔吾廬

錢

志士不敢道貯之成禍胎小人無事業假爾作梯媒解
釋愁腸結能分睡眠開朱門狼虎性一半逐君回

投寄韋右

一作左

丞

赤壁徵文聘中臺拜却詵官

一作班

資參令僕曹署轄

一作

露星辰幙被從誰起持綱自此新舉朝明典教

一作舉明朝典

數封納詔書頻禁樹曾摘藻臺烏舊避塵便應酬倚注

何處話

一作活

窮鱗

紅葉

不奈荒城畔那堪晚照中野晴霜浥綠山冷雨催紅遊

子灞陵道美人長信宮等閒居

一作俱

歲暮搖落意無窮

期徐道者不至

遼鶴虛空語冥鴻未易親偶然來即是必擬見無因霜

霰窮冬令

一作冷

杯盤旅舍貧只應蘄子訓醉後嬾分身

歲除夜

一本題上無歲字

官歷行將盡村醪強自傾厭寒思暖律畏老惜殘更歲
月已如此寇戎猶未平兒童不諳事歌吹待天明

雪

盡道豐年瑞豐年事若何長安有貧者為瑞不宜多

旅夢

旅夢思

一作無

遷次窮愁有歎嗟子鷺京口遠粳米會稽

賒漏澀纔成滴燈寒不作花出門聊一望蟾桂向人斜

秋寄張坤

庭樹已黃落閉門俱寂寥未知棲託處空羨聖明朝酒
醒鄉心濶雲情客思遙吾徒自多感顏子只箪瓢

傷華髮

舊國迢迢遠，清秋種種新。
已衰曾軫慮，初見忽霑巾。
日薄梳兼嬾，根危鑷恐頻。
青銅不自見，只擬老他人。

九江早秋

雨過晚涼生，樓中枕簟清。
海風吹亂木，巖磬落孤城。
百歲幾多日，四蹄無限程。
一作塵西鄰莫高唱，俱是別離情。

初秋寄友人

九華曾屏跡，離亂與心違。
是處堪終老，新秋又未歸。
病

中芳草歇愁裏白雲飛樵侶兼同志音書近亦稀

秋居有寄

端居湖岸東生計有無中
魔處千般鬼寒時百種風
性靈從道拙心事奈成空
多謝金臺客何當一笑同

雪霽

南山雪乍晴寒氣轉崢嶸
鎖却閒門出隨他駿馬行
一竿如有計五鼎豈須烹
愁見天街草青青又欲生

堠子

終日路歧旁前程亦可量未能慙面黑只是恨頭方雅
旨逾千里高文近兩行君知不識字第一莫形相

初夏寄顧紹宗

江上偶分袂四回寒暑更青山無路入白髮滿頭生郢
浦鴈尋過鏡湖蟬又鳴憐君未歸日杯酒若為情

寄第五尊師

苔溪煙月久因循野鶴衣裘獨繭綸只說泊船無定處
不知攜手是何人朱黃揀日囚尸鬼青白臨時注腦神

欲訪先生問經訣世間難得不自一作由身

寄西華黃鍊師

西華有路入中華依約山川認永嘉羽客昔時留篠蕩
故人今又種煙霞壇高已降三清鶴海近應通八月槎
盛事兩般君總得老萊衣服戴顛家

所思

一題作
西上

西上青雲未有期東歸滄海一一作何遲酒闌夢覺不

稱意花落月

一作
眼

明空所思長恐病侵多事日可堪貧

過少年時鬪雞走狗

一作
犬

五陵道惆悵輸他輕薄兒

御定全唐詩卷六百五十九

欽定四庫全書薈要卷一萬八千六十五

集部

御定全唐詩卷六百六十

羅隱

送支使蕭中丞赴闕

八年刀筆到京華
歸去青冥路未賒
今日風流卿相客
舊時基業帝王家
彤庭彩鳳雖添瑞
望府紅蓮已減花
從此常僚如有問
海邊麋鹿斗邊槎

送人歸湘中兼寄舊知

青溪煙雨九華山亂後應同夢寐間
萬里分飛休掩袂
兩旬相見且開顏
君依宰相一作府
貂蟬貴我戀王門
鬢髮斑為謝
伏波筵上客
幾時金印擬西還

自貽

衰老應難更進趨
藥畦經卷自朝晡
縱無顯效一作職
亦藏拙
若有所成甘守株
漢武巡遊虛軋軋
秦皇吞併謾驅驅
如何只見丁家鶴
依舊遼東歎綠蕪

暇日感懷因寄同院吳蛺拾遺

璧池清秩訪燕臺曾捧瀛洲札翰來今日二難俱大夜
當時三幅謾高才戲悲槐市便便筍狂憶樟亭滿滿杯
猶幸小蘭同舍在每因相見即銜哀

偶興

逐隊隨行二十春曲江池畔避車塵如今贏得將衰老
閒看人間得意人

題鑿石山僧院

日夜潮聲送是非一迴登眺即忘機
憐師好事無人見

不把蘭芽染褐衣

圍城偶作

東望陳留日欲曛
每因刀筆想夫君
自從郭泰碑銘後
只見黃金不見文

烏程

兩府攀陪十五年
郡中甘雨幕中蓮
一餅猶是烏程酒

須對霜風度

一作淚泣然

送楊鍊師却歸貞浩

一作語巖

宦一作官途不復更經營歸去東南任意行別後幾回思

會面到來相見似前生久居竹蓋知勤苦舊業蓮峰想
變更為謝佯狂吳道士耳中時有鐵船聲

暇日投錢尚父

牛斗星邊女宿間棟梁虛敞麗江關望高漢相東西閣
名重淮王大小山醴設鬪傾金鑿落馬歸爭撼玉連環
自慙麋鹿無能事未報深恩鬢已斑

覽晉史

張翰思吳中
鱸膾專吳

齊王僚屬好男兒，偶覓東歸便得歸。
滿目路歧拋似夢，一船風雨去如飛。
盤擎紫線尊初熟，箸撥紅絲鱠正肥。
惆悵途中無限事，與君千載兩忘機。

感別元帥尚父

一題作病中
上錢尚父

玉函瑤檢下台司，記得當時

一作
年

捧領時，半壁龍蛇蟠

造化滿筐山岳動，神祇疲牛舐犢心。
猶切陰鶴鳴雛力，已衰稚子不才身。
抱疾日窺貞一作真跡，淚雙垂。

尚父偶建小樓，特摘麗藻絕句，不敢稱揚，三首

結構叨馮柱石才敢期幢蓋此裴回陽春曲調高誰一作
難和盡日焚香倚隗臺

璫簪珠履愧非才時凭闌干首重迴只待淮妖翦除後
別傾卮酒賀行臺

闌檻初成愧楚才不知星彩尚迂迴風流孔令陶鈞外
猶記山妖逼小臺

題玄同先生草堂三首

杳杳諸天路蒼蒼大滌山景輿流不得毛節去應間相

府舊知己教門新啟關太平匡濟術流落在人間

先生訣行日曾奉數行書意密尋難會情深恨有餘石
橋春暖後句漏藥成初珍重雲兼鶴從來不定居

常時憶討論歷歷事猶存酒向餘杭盡雲從大滌昏往
來無道侶歸去有台恩自此玄言絕長應閉洞門

城西作

從軍無一事終日掩空齋道薄交游少才疎進取乖野
禽鳴聒耳庭草綠侵階幸自同樗櫟何妨愜所懷

冬暮城西晚眺

謬忝蓮華幕，虛霑柏署官。
敬危長抱疾，衰老不禁寒。
時事已日過，世途行轉難。
千崖兼萬壑，只向望中看。

秋霽後

淨碧山光冷，圓明露點勻。
渚蓮丹臉恨，堤柳翠眉顰。
蟬已送行客，鴈應辭主人。
蠅蚊漸無況，日晚自相親。

茅齋

從事不從事，養生非養生。
職為尸祿本，官是受恩名。
時

態已相失歲華徒自驚西齋一卮酒衰老與誰傾

使者

使者銜中旨崎嶇萬里行人心猶未革天意似難明
四海霍光第六宮張奉營陪臣無以報西望不勝情

途中逢劉知遠

吳楚煙波裏巢由季孟間只言無事貴不道致身閒
別渚蓮根斷歸心桂樹頑空勞鍾璞意塵世隔函關

遁跡

遁跡知安住，霑襟欲奈何。朝廷猶禮樂，郡邑忍干戈。華
馬憑誰問，胡塵自此多。因思漢明一作帝，中夜憶廉頗。

隴頭水

借問隴頭水，年年恨何事。全疑嗚咽聲，中有征人淚。自
古無長策，況我非深智。何計謝潺湲，一宵空不寐。

秦中富人

高高起華堂，區區引流水。冀土金玉珍，猶嫌未奢侈。陋
巷滿蓬蒿，誰知有顏子。

思歸行

一作于

清詩

不耕南畝田為愛東堂桂身同樹上花一落又經歲交

親亦

一作益

相薄知己恩潛替日開十二門自是無歸計

即事中元甲子

一作韋莊詩

三秦流血已成川塞上黃雲戰馬閒只有羸兵填渭水

終無奇事

一作士

出商山田園已沒紅塵內弟姪相逢白

刃間惆悵翠華猶未返淚痕空滴劔文斑

魏城逢故人

一題作綿谷迴寄蔡氏昆仲

一年兩度錦江

一作城

遊前值東風後值秋芳草有情皆

礙馬好雲無處不遮樓山將別恨和心斷水帶離聲入

夢流今日因君試回首

一作不堪回首望

澹

一作古

煙喬

一作高

木

隔綿州

遊江夏口

醉別江東酒一杯往年曾此駐塵埃魚聽建業歌聲過
水看瞿塘雪影來黃祖不能容賤客費禕終是負仙才
平生膽氣平生恨今日江邊首懶迴

春思

蕩漾春風淥似波，惹情搖恨去。嗟嗟燕翻水，日音聲好。
柳舞空城，意緒多蜀國。暖迴溪一作浮，峽浪衛娘清轉過。
雲歌可憐，戶外桃蕪李。仲蔚蓬蒿柰爾何。

黃鶴驛寓

一作偶題

野雲芳草繞離鞭，敢對青樓倚少年。秋色未一作來催榆
塞鴈，人心先下洞庭船。高歌酒市非狂者，大嚼屠門亦
偶然。車馬同歸莫同恨，古人頭白盡林泉。

安陸贈徐礪

靈虵橋下水聲聲曾向橋邊話別情一榻偶依陳太守
三一作年深憶禰先生塵欺鬢色非前事火熟蓬根有
去程還把餘杯重相勸不堪秋色背鄖城

寄鍾常侍

一從朱履步金臺藥苦冰寒奉上台峻節不由人學得
遠途終是自將來風高漸展摩天翼翰聳方呈構厦材
應笑樟亭舊同舍九州無驗滿爐灰

中秋夜不見月

陰雲薄暮上空虛，此夕清光已破除。
只恐異時開霽後，玉輪依舊養蟾蜍。

魏博羅令公附卷有迴

寒門雖得在諸宗，棲北巢南恨不同。
馬上固慙消髀肉，幄中由羨愈頭風。
蹉跎歲月心仍切，迢遞江山夢未通。
深荷吾宗有知己，好將刀筆一作筆力為一作當英雄。

寄處默師

甘露卷簾看雨脚
樟亭倚柱望潮頭
十年顧我醉中過
兩地與師方外遊
久隔兵戈常寄夢
近無書信更堪憂
香爐煙靄虎溪月
終棹鐵船尋惠休

病中上錢尚父

左脚妨行右臂攣
每慙名跡污賓筵
縱饒吳土容衰病
爭奈燕臺費料錢
藜杖已乾難更把
竹輦雖在不堪懸
深恩重德無言處
迴首浮生淚泫然

御定全唐詩卷六百六十

欽定四庫全書薈要卷一萬八千六十六

集部

御定全唐詩卷六百六十一

羅隱

送梅處士歸寧國

十五年前即別君，別時天下未紛紜。
亂罹

一作離

且喜身

俱在存沒那堪耳，更聞良會謾勞悲。
曩跡舊交誰去弔，荒墳殷勤為謝
逃名客。想望千秋嶺上雲。

經故友所居

一題上有瓊花觀三字

槐花漠漠向人黃此地追遊跡已荒清論不知莊叟達
死交空歎趙岐忙一作病來未忍言閒事老去惟知覓
醉鄉日暮街東策羸馬一聲橫笛似山陽

大梁從事居汜水

一題作贈
盧從事

前年帝里望

一作
從

行塵記得仙家第四人
泉暖舊諳龍

偃息露寒初見鶴精神
歌聲上榻梁園晚夢遶殘鐘
汜水春知有篋中編集在
只應從此是經綸

杜處士新居

翠斂王孫草荒誅宋玉茅寇餘無故物時薄少深交迸
笋穿一作行徑饑雛出壞巢小園吾亦有多病近來拋

絕境

絕境非身事流年但物華水梳落髮直風引蕙心斜凡
客從題鳳膚音未勝蛙小船兼有槳始與問漁家

雪中懷友人

臘酒復臘雪故人今越鄉所思誰把醞端坐恨無航免
苑舊遊盡龜臺仙路長未知鄒孟子何以奉梁王

秋晚

宰邑慙良術為文愧壯圖縱饒長委命爭奈漸非夫杯

酒有時有亂罹

一作離

無處無金庭在何域回首一踟躕

昇仙

一作遷橋

危梁枕路歧駐馬問前時價自友朋得名因婦女知直
須論運命不得逞文詞執戟君鄉里榮華竟若為

姑蘇真娘墓

墓在虎丘西寺內

春草荒墳墓萋萋向虎丘死猶嫌寂寞生肯不風流皎

鏡山泉冷輕裾

一作
裾

海霧秋還應伴西子香徑夜深遊

靈山寺

晚景聊攄抱憑欄幾蕩魂檻虛從四面江濶奈孤根幽
徑薜蘿色小山落蘚痕欲依師問道何處繫心猿

倚櫂

倚櫂聽鄰笛霑衣認酒壚自緣悲巨室誰復為窮途樹
解將軍夢城遺御史烏直應齊始了傾酌向寒蕪

秋夕對月

夜月色可掬倚樓聊解顏未能分寇盜徒欲滿關山背

冷金蟾滑毛寒玉兔頑姮娥謾偷

一作九

藥長寡

一作短

老

中間

寄徵士魏負外

家

一作嘉

道蘇門節清貧粉署官不矜朝命重只恨路行

難窓曉雞譚倦庭秋蛩夢闌羨君歸未得還有釣魚竿

宿彭蠡館

孤館少行旅解鞍增別愁遠山矜薄暮高柳怯清秋病

裏見時態醉中思舊遊所懷今已矣何必恨東流

螢

空庭

一作秋

夜未央點點

一作的

度西墻抱影何微

一作早

細

乘時忽發揚不思因

一作曾

腐草便擬倚孤光若道能通

照

一作通文翰

車公業肯長

早秋宿葉墮所居

池荷葉正圓長歷報時殫曠野雲蒸熱空庭雨始寒
蚊猶得志簟席若為安浮世誰知是勞歌共一懽

蝶

漢

一作滕

王刀筆精寫爾逼天生舞巧何妨急飛高所恨

輕野田黃雀慮山館主人情此物那堪作莊周夢不

一作

未成

春居

春

一作東

風百卉搖舊國路迢迢偶病成踈散因貧得寂

寡倚簾

一作櫺

高柳弱乘露小桃天春色常無處村醪更

一瓢

輕颺

輕颺掠晚莎秋物恹關河戰壘平時少齋壇上處多楚
雖屈子重漢亦憶廉頗不及雲臺議空山老薜蘿

燕

不必嫌漂露何妨養羽毛漢妃金屋遠盧女杏梁高野
迴雙飛急煙晴對語勞猶勝黃雀在棲息是蓬蒿

陝西晚思

長途已自窮北去更西東樹色榮衰裏人心往返中別

情流水急歸夢故山空莫忘交遊分從來事一同

除夜寄張達

梅花已著眼竹葉况黏唇只此留殘歲那堪憶故人亂

罹一作離書不遠一作達衰病日相親江浦思歸意明朝又

一春

寄酬鄴王羅令公五首

一本前三首題作感德敘懷寄上羅鄴王

營室東迴廡斥丘少年承襲擁青油坐調金鼎尊明主

橫把凋戈拜

一作傲

列侯書札二王爭巧拙篇章七子避

風流西園舊跡今應在衰老無因奉勝游

脉散源分歷幾朝縱然官宦只卑

一作宿

僚正憂末派淪

滄海忽見高枝拂絳霄十萬貔貅趨玉帳三千賓客珥

金貂良時難得吾宗少應念寒

一作衰

門更

一作久

寂寥

敢將衰弱附強宗細算還緣血脉同湘浦煙波無舊跡

鄴都蘭菊有遺風每憐懼

一作離

亂書猶達所恨雲泥路

不通珍重珠璣兼繡段草玄堂下寄揚雄

水雲開霽立高亭依約黎陽對福星只見篇章矜鏤管

不知勲業柱青冥早緣入夢金方礪晚為傳家鼎始銘

鶴髮四垂煙閣遠此生何

一作處

處拜儀形

錦笈朱囊

一作瓊箱

連復連紫鸞飛下

一作銜到

浙江邊綃從海

室奪煙霧樂奏帝宮勝管絃長笑應劉悲

一作非

顯達每

嫌伊霍少詩篇戴灣老圃根基薄虛費工夫八十年

春日投錢塘元帥尚父二首

正憂衰老

一作耄

辱金臺敢望昭王顧問來門外旌旗屯

豹虎壁間章句動風雷三都節已聯翩降兩地花應次

第開若比紫髯分鼎足未聞餘力有瓊瓌

征東幕府十三州敢望非才忝上游官秩已叨吳品職
姓名兼顯魯春秋鹽車顧後聲方重火井窺來焰始浮
一句黃河千載事麥城王粲謾登樓

錢塘府亭

新恩別啟館娃宮還拜吳王向此中九牧土田周制在
兩藩茅社漢儀同春生舊苑芳洲雨香入高臺小徑風
更有寵光人未見問安調膳盡三公

野狐泉

在百丈山後昔懷誨禪師說法有老人來聽經曰墮落此山今大幸矣明日一

老狐斃崖下 百丈山

在江西南昌府奉新縣

滴滴寒光濺路塵相傳妖物此潛身又應改換皮毛後
何處人間作好人

宿紀南驛

策蹇南游憶楚朝陰風浙浙樹蕭蕭不知無忌姦邪骨
又作何山野葛苗

贈無相禪師

人人盡道事空王
心裏忙於市井忙
惟有馬當山上客
死門生路兩相忘

遣興

青雲路不通
歸計奈長蒙
老恐醫方誤
窮憂酒醖空
何堪懼一作亂後
更入是非中
長短遭譏笑
迴頭避釣翁

江夏酬高崇節

臘雪都堂試
春風汴水行
十年雖抱疾
何處不無情
羣盜正當路
此游應隔生
勞君問流落
山下已躬耕

鷓鴣聲

井上梧桐暗花間霧露晞一枝晴復暖百轉是兼非金
屋夢初覺玉闌人未歸不堪閒日聽因爾又霑衣

倣

一作效

玉臺體

青樓枕路隅壁甃復椒塗晚夢通簾柙春寒逼酒壚解
吟憐芍藥難見恨菖蒲試問年多少鄰姬亦姓胡

御定全唐詩卷六百六十一

欽定四庫全書薈要卷一萬八千六十七 集部

御定全唐詩卷六百六十二

羅隱

夜泊義興戲呈邑宰

溪畔維舟問戴星此中三害有

一作
在

圖經長橋可避南

山遠却恐難防是最

一作
醉

靈

聽琵琶

香筵酒散思朝散偶向梧桐暗處聞大底曲中皆有恨

滿樓人自

一作是

不知君

經耒陽杜工部墓

紫菊馨香覆楚醪
奠君江畔雨蕭騷
旅魂自是才相累
閒骨何妨塚更高
駉驥喪來空蹇蹶
芝蘭衰後長

一作遠

蓬蒿屈原宋玉鄰君

一作憐居

處幾駕青螭
緩鬱陶

題袁溪張逸人所居

蒲梢獵獵燕差差

一作池

數里溪光日落時
芳樹

一作草

文

君機上錦遠山孫
壽鏡中眉雜窓夜
靜開書卷魚檻春

深展釣絲若使浮名拘絆得世間何處有男兒

昇平公主舊第

乘鳳仙人降此時玉篇纔罷到文詞
兩輪水碓光明照百尺鮫綃換好詩
帶礪山河今盡在風流罇俎見無期
壇場客散香街暝惆悵齊竽取次吹

寄黔中王從事

故人刀筆事軍書南轉黔江半月餘
別後鄉關情幾許近來詩酒興何如
貪將醉袖矜鶯谷不把瑤絨附鯉魚

今日舉觴

一場一作

君莫問生涯牢落鬢蕭疎

關亭春望

關畔春

一作風

雲拂馬頭馬前春事共悠悠風搖

一作欺

岸

柳長條困露裛山花小朶愁信越功名高似狗裴王氣
力大於牛未知至竟將何用渭水涇川一向流

寄徐濟進士

一本題下無進士二字

往年疎懶共江湖月滿花香記得無霜壓楚蓮秋後折

雨催蠶酒夜深酤紅塵偶別

一作到

迷前事丹桂相傾

一作

輕
媿後徒

一作
圖

出得函關抽得手從來不及阮元瑜

寄韋贍

石城蓑笠阻心期落盡山花有所思羸馬二年蓬轉後

故人何處月明時風催曉鴈

一作
燕

看看別雨脅秋蠅漸

漸癡禪智闌干市橋酒縱然相見只相悲

雲溪晚泊寄裴庶子

溪風如扇雨如絲閒步閒吟

一作
行

柳惲詩杯酒疎狂非

曩日野花狼藉似當時道窮謾有依劉感才急應無借

寇期滿眼雲山莫相笑與君俱是受深知

送姚安之赴任秋浦

官罷春坊地象雷片帆高指貴池開五侯水暖魚鱗去
九子山晴鴈敘來江夏黃童徒逞辯廣都龐令恐非才
到頭稱意須年少贏得時光向酒杯

寄喬逸人

南經湘浦

一作水

北揚州別後風帆幾度游春酒誰家禁

爛熳野花何處最淹留欲憑尺素邊鴻嬾未定雕梁海

燕愁長短此行須入手更饒君占一年秋

塞外

塞外偷兒塞內兵聖君宵旰望升平碧幢未作朝廷計
白挺猶驅婦女行可使禦戎無上策只應憂國是虛聲

漢王

一作皇

第宅秦田土今日將軍已自榮

裴庶子除太僕卿因賀

楚珪班序未為輕莫惜良途副聖明宮省舊推皇甫謐
寺曹今得夏侯嬰秩隨科第臨時貴官逐簪裾到處清

應笑馬安虛巧宦四迴遷轉始為卿

詠史

蠹簡遺編試一尋寂寥前事似如今徐陵筆硯珊瑚架
趙勝賓朋瑋瑁簪未必片言資國計只應邪說動人心
九原郝泚何由起虛誤西番八一作八尺金

中元夜泊淮口

木葉迴飄

一作迎颺

水面平偶因

一作停

孤棹已三更秋涼霧

露侵燈下夜靜魚龍逼岸行敲枕正牽題柱思隔樓誰

轉遶梁聲錦帆天子狂魂魄應過揚州看月明

寄池州鄭員外

獸遶朱輪酒滿船郡城瀟灑貴池邊衣同萊子曾分筆
扇似袁宏別有天九點好山樓上客兩行高柳雨中煙
陵陽百姓將何福社舞村歌又一年

歸夢

陸海波濤漸漸深一迴歸夢抵千金路傍草色休多事
牆外鶯聲肯有心日晚向隅悲斷梗夜闌澆酒哭知音

貪財敗陣誰相悉鮑叔如今不可尋

送溪州使君

兵寇傷殘國力衰就中南土藉良醫鳳銜泥詔辭丹闕
鵬倚霜風上畫旗官職不須輕遠地生靈只是計臨時
灞橋酒醖黔巫月從此江心兩所思

一作地悲

送雪川鄭員外

明時塞詔列分麾東擁朱輪出帝畿銅虎貴提天子印
銀魚榮傍老萊衣歌聽茗塢春山暖詩詠蘋洲暮鳥飛

知有掖垣南步在可能須待政成歸

酬寄右司李員外

當年憶見桂枝春自此清途未四旬
左省望高推健筆右曹官重得名人
閒攜麗藻嫌秋興靜獵遺編笑過秦
猶把隨和向泥滓應憐疎散任天真

蓮塘驛

蓮塘館東初日明蓮塘館西行人行
隔林啼鳥似相應當路好花疑有情
一夢不須追往事數杯猶可慰勞生

莫言來去只如此君看鬢邊霜幾莖

甘露寺火後

六朝勝事已塵埃猶有閒人悵望來只道鬼神能護物
不知龍象自成灰犀慙水府渾非怪燕說吳宮未是災
還識平泉故侯否一生蹤跡比

一作樓臺

春日登上元石頭故城

萬里傷心極目春東南王氣只逡巡
野花相笑落滿地山鳥自驚

一作

啼傍人謾道城池須險阻可知豪傑亦

埃塵太平寺主惟輕薄却把三公與賊臣

送宣武徐巡官

傲睨公卿二十年東來西去只悠然白知關畔元非馬
玄覺壺中別有天漢帝詔銜應異日梁王風雪是初筵
臨行不惜刀圭便愁殺長安買笑錢

冬暮寄裴郎中

曉髮星星入鏡

一作鬢

宜早年容易近年悲敢言得事時

將晚只恐酬恩日漸遲南國傾心應望速東堂開口欲

從誰仙郎舊有黃金約
瀝膽隳肝更禱祈

中元甲子以辛丑駕幸蜀四首

子儀不起渾瑊亡西幸誰人從
武皇四海為家雖未遠
九州多事竟難防已聞肝食思
真將會待畋遊致假王
應感兩朝巡狩跡綠槐端正驛
荒涼

爪牙柱石兩俱銷一點渝塵九土
搖敢恨甲兵為棄物
所嗟流品誤清朝幾時睿筭殲
張角何處愚人戴隗囂

跪望峻

一作峻

山重啟告可能餘烈不勝妖

邪氣奔屯瑞氣移清平過盡到艱危縱饒犬豕迷常理
不奈豺狼幸此時九廟有靈思李令三川悲憶恨張儀
可憐一曲還京樂重對紅蕉教蜀兒

白丁攘臂犯長安翠輦蒼黃路屈盤丹鳳有情塵

一作懷雲

外遠玉龍無跡

一作主

渡頭寒靜憐

一作思

貴族謀身易危

惜

一作覺

文皇創業難不將不侯何計是釣魚船上淚闌

干

此一首題一本作偶懷

題潤州妙善前石羊

傳云吳主孫權與蜀主劉備嘗此置會云

紫髯桑蓋此沈吟
狼石猶存事可尋
漢鼎未安聊把手
楚醪雖滿肯同心
英雄已往時難問
苔蘚何知日漸深
還有市鄜沽酒客
雀喧鳩聚話蹄涔

登宛陵條風樓寄竇常侍

亂罹一作離時節懶登臨
試借條風半日吟
只有遠山含

煖律不知高閣動
歸心溪喧晚棹千
聲浪雲護寒郊數
丈陰自笑踈慵似麋鹿也
教臺上費黃金

臺城

晚雲陰暎下空城
六代纍纍夕照明
玉井已乾龍不起
金甌雖破虎曾爭
亦知霸世才難得
却是蒙塵事最平
深谷作陵山作海
茂弘流輩莫傷情

甘露寺看雪上周相公

一本題上有潤州二字

篩寒灑白亂溟濛
禱請功兼造化功
光薄乍迷京口月

影交初轉海門風
細黏謝客衣裾

一作襟

上輕墮

一作拂

梁

王酒醖中一種為祥君
看取半襠災沴半年豐

寄京闕陸郎中昆仲

柏臺蘭署四周旋賓榻何妨鴈影連纜見玳簪

歌一作

細柳便知油幕勝紅蓮家從入洛聲名大跡為依劉事

分偏爭柰亂罹

一作離

人漸少麥城

一作成

新賦許誰傳

偶題

一題作嘲鍾陵妓雲英

鍾陵醉別十餘春重見雲英掌上身我未成名君未嫁
可能俱是不如人

故都

江南江北兩風流一作迷津一拜侯至竟不如隋煬帝

破家猶得到揚州

董仲舒

災變儒生不合聞
謾將刀筆指乾坤
偶然留得陰陽術
閉却南門又北門

獻尚父大王

數年鐵甲定東甌
夜渡江山瞻斗牛
今日朱方平殄後
虎符龍節十三州

蜂

不論平地與山尖無限風光盡被占採得百花成蜜後

為誰

一作不知

辛苦為誰甜

簾二首

疊影重紋映畫堂玉鉤銀燭共熒煌會應得見神仙在
休下真珠十二行

翡翠佳名世共稀玉堂

一作皇

高下巧相宜殷勤為囑織

織手捲上銀鉤莫放垂

御定全唐詩卷六百六十二

欽定四庫全書薈要卷一萬八千六十八

集部

御定全唐詩卷六百六十三

羅隱

送顧雲下第

行行杯酒莫辭頻，怨歎勞歌兩未伸。
漢帝後宮猶識字，楚王前殿更無人。
年深旅舍衣裳敝，潮打村田活計貧。
百歲都來多幾日，不堪相別又傷春。

村橋

村橋酒旆月明樓偶逐漁舟繫葉舟莫學魯人疑海鳥
須知莊叟惡犧牛心寒已分灰無焰事往曾將水共流
除却思量太平在肯拋疎散換公侯

送劉校書之新安寄吳常侍

野雲如火照行塵會績溪邊去問津才子省銜非幕客
楚君科第是同人狂思下國千場醉病負東堂兩度春
他日酒筵應見問鹿裘漁艇隔朱輪

官池秋夕

池邊月影閒婆娑池上醉來成短歌芙蓉

一作芙蓉

抵死怨

珠露蟋蟀苦口嫌金波往事向人言不得舊遊臨老恨

空多松醪

一作膠

作酒蘭為棹十載煙塵奈爾何

奉使宛陵別二三從事

梁王雪裏有深知偶別家鄉隔路歧官品共傳勝曩日

酒杯爭肯忍

一作忘

當時豫章地暖矜千尺越嶠天寒愧

一枝還有釣魚蓑笠在不堪風雨失歸期

金陵思古

杜秋在時花解言杜秋死後花更繁柔枝曼態葬何處
天紅膩白愁荒原高洞紫簫吹夢想小窓殘雨濕精魂
綺筵金縷無消息一陣征帆過海門

送王使君赴蘇臺

東南一望可長吁猶憶王孫領虎符兩地干戈連越絕
數年麋鹿卧姑蘇疲晷賦重全家盡舊族兵侵大半無
料得伍員兼旅寓不妨招取好揶揄

憶九華

九華巉岿廕紫扉長憶前時此息機黃菊倚風村酒熟
綠蒲低雨釣魚歸干戈已是三年別塵土那堪萬事違
回首佳期恨多少夜闌霜露又霑衣

送裴饒歸會稽

金庭路指剡川隈珍重良朋自此來兩鬢不堪悲歲月
一卮猶得話塵埃家通曩分心空在世逼橫流眼未開
笑殺山陰雪中客等閒乘興又須回

送程尊師之晉陵

棟間雲出認行軒郊外陰陰夏木繁高道乍為張翰侶

使君兼是世龍孫溪舍句曲清連

一作流

底酒貫餘杭渌

滿樽莫見時危便乘興人來何處不桃源

吳門晚泊寄句曲道友

采香徑在人不留采香徑下停

一作停

葉舟桃花李花鬪

紅白山鳥水鳥自獻酬十萬梅銷空寸土三分孫策竟
荒丘未知到了關身否笑殺雷平許遠遊

貴池曉望

狼莠參天剪未平且乘孤櫂且行行計疎狡兔無三窟
羈甚賓鴻欲一生合眼亦知非本意傷心其奈是多情
前溪好泊誰為主昨夜沙禽占月明

寄崔慶孫

故人何處又留連月冷風高鏡水邊文陣解圍纔昨日
醉鄉分袂已三年交情澹泊應長在俗態流離且勉旃
還擬山陰一乘興雪寒難得渡江船

寄楊秘書

蕭蕭檐雪打窓聲因憶江東阮步兵兩信海潮書不達
數峰稽嶺眼長明梅繁幾處垂鞭看酒好何人倚檻傾
會待與君開秫甕滿船般載鏡中行

酬章處士見寄

中原甲馬未曾安今日逢君事萬端亂後幾回鄉夢隔
別來何處路行難霜鱗共落三門浪雪鬢同歸七里灘
何必新詩更相戲小樓吟罷暮天寒

送丁明府赴紫溪

一作唐山任

金徽玉軫肯踏踟偶滯良

一作長

途半月餘樓上酒闌梅

拆後馬前山好雪晴初藥公社在憐鄉樹潘令花繁賀
版輿縣譜莫辭留舊本異時量度更何如

寄前宣州竇常侍

一作尚書

往年西謁謝玄暉樽酒留歡醉始歸曲檻柳濃鶯未老

小園花暖

一作嫩
一作艷

蜨初飛噴香瑞獸金三尺舞雪佳人

玉一圍今日亂罹

一作離

尋不得滿蓑風雨釣魚磯

秦望山僧院

巉巉危岫倚滄洲聞說秦皇亦此遊
霸主卷衣纔二世老僧傳錫已千秋
陰崖水賴一作松梢直蘇壁苔侵畫
像愁各是病來俱未了莫將煩惱問湯休

送光祿崔卿赴闕

一年極目一作望西轅此日殷勤聖主恩
上國已留虞目斷

寄命中朝應聽范汪言官從府幕歸
御寺路向干戈見禁門鷓侶寂寥曹署冷
更堪嗚咽問田園

寄程尊師

鶴信雖然到五湖
煙波迢遞路崎嶇
玉書分薄花生眼
金鼎功遲雪滿鬚
一作顧
三秀紫芝勞夢寐
一番紅槿恨朝晡
未知朽敗凡間骨
中授先生指教無

定遠樓

前年上將定妖氛
曾築巖城駐大軍
近日關防雖弛柝
舊時欄檻尚侵雲
蠻兵績盛人皆伏
坐石名高世共聞
惟恐亂來良吏少
不知誰解敘功勳

送程尊師東遊有寄

華蓋峰前擬卜耕主人無奈又閒行且憑鶴駕尋滄海
又恐犀軒過赤城絳簡便應朝右弼紫旄兼合見東卿
勸君莫忘歸時節芝似螢光處處生

江亭別裴饒

行杯且待怨歌終多病憐君事事同衰鬢別來光景一作

影裏故鄉歸去亂雁

一作離

中乾坤墊裂三分在井邑摧

殘一半空日晚長亭問西使不堪車馬尚萍蓬

江南寄所知周僕射

曾陪公子醉西園
峴首碑前事嬾言
世亂共嗟王粲老
時危俱受信陵恩
潮憐把醖吟江徼
雨憶凭闌望海門
飛蓋寂寥清宴罷
不知簪履更誰存

錢塘見芻逢

蔡倫池北鴈峰前
懼

一作
離

亂相兼十九年
所喜故人猶

會面不堪良牧已
重泉醉思把筋敲

一作
敲

歌席狂憶判

身入酒船今日與
君贏得在戴家灣
裏兩皤然

江都

淮王高讌動江都曾憶狂生亦坐隅
九里樓臺牽翡翠
兩行鴛鴦踏真珠
歌聽麗句秦雲咽
詩轉新題蜀錦鋪
惆悵晉陽星拆後
世間兵革地荒蕪

湖上歲暮感懷有寄友人

雪天螢席幾辛勤
同志當時四五人
蘭版地寒俱愛露
桂堂風惡獨傷春
音書久絕應埋玉
編簡難言竟委塵
惟有廣都龐令在
白頭樽酒憶交親

送張綰游鍾陵

南憶龍沙

一作砂

兩岸行當時天下尚清平
醉眠野寺花

方落吟倚江樓月欲明
老去亦知難重到
亂來爭肯不牽情
西山十二真人在
從此煩君語姓名

送詥光大師

師以草書應制

禹祠分首戴灣逢
健筆尋知達九重
聖主賜衣憐絕藝

侍臣擣藻許高蹤
寧親久別街西寺
待詔初離海

一作江

上峰一種苦心師
得了不須回首笑
龍鍾

息夫人廟

百雉摧殘連野青，廟門猶見昔朝廷。
一生雖抱楚王恨，千載終為息地靈。
蟲網翠環終縹緲，風吹寶瑟助微冥。
玉顏渾似羞來客，依舊無言照畫屏。

漂母塚

寂寂荒墳一水濱，蘆洲絕島自相親。
青娥已落淮邊月，白骨甘為泉下塵。
原上荻花飄素髮，道傍菰葉碎羅巾。
雖然寂寞千秋魄，猶是韓侯舊主人。

感懷

石徑松軒亦自由，謾隨浮世逐飄流。
駑駘路結前

一作
千

程恨蟋蟀牀生半夜秋，揜耳惡聞宮妾語。
低顏須向路

人羞雖

一作
誰

教小事相催，逼未到青雲擬白頭。

扇上畫牡丹

為愛紅芳滿砌堦，教人扇上畫將來。
葉隨彩筆參差長，花逐輕風次第開。
閒挂幾曾停蛺蝶，頻搖不怕落莓苔。
根生無地如仙桂，疑是姮娥月裏栽。

書懷

釣船拋却異鄉來擬向何門用不才日晚獨登樓上望
馬蹄車轍滿塵埃

七夕

月帳星房次第開兩情惟恐曙光催時人不用穿鍼待
沒得心情送巧來

柳

一簇青煙鎖玉樓半垂闌畔半垂溝明年更有新條在
繞亂春風卒未休

羅敷水

雉聲角角野田春
試駐征車問水濱
數樹枯桑雖不語
思量應合識秦人

京中正月七日立春

一二三四五六七
萬木生芽

一作是今日遠天歸
鴈拂

雲飛近水遊
魚迸冰出

貴游

館陶園外雨初晴
繡轂香車入鳳城
八尺家僮三尺箠

何知高祖要蒼生

嚴陵灘

中都九鼎勤

一作勤

英髦漁釣牛蓑且遁逃世祖升遐夫

子死原陵不及釣臺高

御定全唐詩卷六百六十三

謹案卷六百六十第一頁前四行送支使蕭中丞
赴闕按江東集無支使二字


第一頁前七行從此常條如有問按江東集常作
舊

第四頁後七行從軍無一事按江東集軍作君

第九頁前五行左脚妨行右臂摩刊本妨訛方據
原集改

卷六百六十一第七頁前四行麥城王祭謾登樓

按原集麥城作郢城



總校官庶吉士臣張能照

校對官檢討臣蕭九成

謄錄監生臣李本